

I. N. D. O. M.

*Dissertatio Academica*

DE

*ORIGINE MORUM,*



Quam

Conf. Amplif. Fac. Philos. Aboëns.

*PRÆSIDE*

*Mag. JOHANNE BILMARK,*

HIST. ET PHILOS. PRACT. PROFESSORE REG. ET ORDIN.

PUBLICÆ CENSURÆ MODESTE SUBJICIT

*ANDREAS FAHLESON,*

*Westrobothniensis.*



*In Auditorio Majori die 6 Junii 1797,*

h. a. m. c.



*ABOÆ, TYPIS FRENCKELLIANIS,*

*d*

MONSIEUR LE BARON,  
SIMON GUILLAUME  
CARPELAN,  
MAJOR GÉNÉRAL DES ARMÉES DU Roi,  
GOUVERNEUR DE PROVINCE, COMMANDANT EN  
LA PLACE DE SVEABORG, ET CHEVALIER  
DE L'ORDRE DE L'ÉPÉE.

MONSIEUR LE BARON,

*La protection généreuse que Vous accordez tous les jours à ceux qui s'adonnent aux lettres, me fait espérer, Monsieur le Baron, que Vous pardonnerez la liberté que je prends de décorer ce foible ouvrage de Votre Nom. Daignez, je Vous en supplie Monsieur le Baron, le regarder comme un gage des sentimens respectueux dans les quels je serai toute ma vie,*

MONSIEUR LE BARON,

*Votre très-humble et  
très-obéissant serviteur  
ANDRÉ FAHLESON.*

Konungens Trotjenare,  
*COMMENDANTS-SECRETERAREN,*

*Högådle*

*Herr JOH. FREDR. ENEBERG,*

*och*

*Högådle Frun*

*MARIA ELISAB. ENEBERG,*

*Född TAMMELANDER,*

Tillåten mig nyttja detta tilfälle, det första som Lyckan skänker mig, at offenteligen betyga Eder min vördnad och erkänsla för många och stora mig bevista välgerningar. Men vanten icke, at jag med orden kan uttrycka alt, hvad mit hjerta för Eder känner. Den verkeliga tacksamheten är fallan mångordig; min skall inskränka sig inom den uprik-tiga önskan, at Förstynen med oafbruten fällhet måtte belöna Eder godhet, och derigenom upfylla dens hopp, som med fullkomlig högaktnings framlesver

EDER

Ödmjukaste tjenare  
ANDREAS FAHLESON.



## PRÆFATIO.

**S**cripta Philosophorum, imprimis Veterum, evolventes, animadvertisimus, eos de morum definitione condenda haud fuisse sollicitos, procul dubio existimantes, vocem hanc per familiarem loquendi usum esse adeo claram, ut lucem ex definitione in medium allata mutuari posset nullam. Istam vero opinionem non esse ferendam post renatas litteras Eruditæ censentes, varias morum definitiones proposuerunt, magis verbis, quam re ipsa & sensu a se discrepantes. Sic WOLFIUS per morem intelligit modum constantem ac perpetuum determinandi actionem sive positivam sive privativam dati generis vel datae speciei, seu identitatem agendi in dato casu. (a). Alii rursum definiunt Mores per certum in actionibus humanis tenorem, non lege, sed opinione & judicio confirmatum. Quicquid igitur semel iterumque fit, ac deinceps crebrius repetitur & observatur, sive casu primum fieri coepit, sive recti & utilis commendatione, dum modo nec necessitas nec vis, sed voluntas propria sequi decernat, mos appellatur. Docet præterea experientia, non omnes actiones, a pluribus licet frequentatas, esse bonas, sed multas dari malas, adeoque vocabulum morum esse μέτον, idemque priori sensu sumtum proximam cum virtutibus habere cognitionem. Differunt autem virtutes et boni mores in eo, quod illæ sint actiones, Legi Divinæ ex instituto convenientes, hi autem sint actiones, ideo ob-

servatæ, quod in eis nihil vel honestati vel decoro adversum inveniant agentes, vel alii cum quibus vivunt; unde simul colligi potest, quæ inter vitia & malos mores intercedat differentia. De morum autem origine seu diversis horum caussis quum in hac dissertatione nonnihil disserere constituerim, morem a Musarum alumnis pri-  
dem receptum secutus, Tuam B. LECTOR, in eadem perlegenda æquanimitatem, quo par est, verborum honore in antecessum expeto.

(a) *Vid. Philosoph. Pract. Universalis Part. II. Cap. IV.  
§. 687.*

### §. I.

Inde ab antiquissimis retro temporibus multi præstantissimorum etiam Philosophorum pro comperto ha-  
buerunt, originem morum seu præcipuam eorum causam in regionum climate, id est, in atmosphæræ tem-  
perie atque soli indole esse quærendam; experientia ipsos docere visa, homines intra eosdem nec admodum dis-  
sitios æquatoris parallelos habitantes, ad morum simili-  
tudinem proxime accedere, & speciatim septentrionales Nationes esse fortiores, meridionales autem moliores. Hanc hypothesisin recentiori præsertim ævo excoluit Illu-  
stris MONTESQUIEU, ostendere annis, diversam aëris qualitatem in corpora hominum diversimode agere, & hanc varietatem in animi indolem ita influere, ut homi-  
nes ad alias aliasque actiones morales disponat (a). Tan-  
ti tamen Viri pace dixerim, vitium surreptionis in ex-  
periundo, ut loqvuntur Logici, ab eo heic esse commis-  
sum. Arctissimum quidem inter animam & corpus dari commercium, nostramque valetudinem ab atmosphæræ  
con-

constitutione multum pendere, nemo secum habitans unquam negabit; at qvum actiones nostræ morales sint effectus facultatum animæ, intellectus scilicet & voluntatis, nec a corporis indole ac constitutione dependeant, totæ cæteroquin Mechanicæ futuræ; invita veritate asseritur, originem morum a climate esse arcessendam; multiplici præsertim experientia docente, sub eodem climate inveniri homines, qua mores toto cælo dispare, imo climate manente eodem, mores tamen ita mutari, ut si e tumbis surgerent majores, in suis nepotibus ac posteris se nequaquam agnoscerent. Ex Historia igitur discimus, Athenies, Lacedæmonios, & Bozotios, quamvis una eos Græcia suis quondam contineret finibus, lingua tamen, studiis, ingenio ac moribus fuisse diversissimos, imo morum varietatem animadverti inter populos, paucorum solummodo stadiorum intervallo disjunctos. Ex quibus igitur observationibus, ut alias ejusdem tenoris silentio nunc præteream, satis constare arbitror, frustranam in se suscipere operam, quotquot ex ipso climate originem morum deducere satagant. Quatenus tamen cæli folique qualitas ad necessaria vitæ subsidia incolis præbenda magis minusve confert, adeoque sortem eorum vel meliorem vel asperiorem reddit, eatenus quoque occasionem subministrat moribus vel mitioribus vel asperioribus formandis, non ab ipso proinde climate, sed a victus & convictus ratione repetendis.

(a) *Vid. L'Esprit des Loix Tom. II. p. m. 65 & seq.*

## §. II.

Neminem mihi succensurum spero, si primam morum causam, seu eorum originem ab instinctu naturali,

vi cuius homines cum brutis animantibus a natura hoc  
 habent commune, ut se suaque conservare, nocitura au-  
 tem declinare studeant, arcessere non dubitem. Quod  
 ne paradoxon cuiquam obveniat, mentem meam plenius  
 explicabo. Supponere igitur licet hominem infelici naufragio  
 in desertam insulam projectum, solum superstitem, nec bo-  
 num a malo discernendo fatis parem. Hic quum per  
 instinctum naturalem ad necessaria vitæ præsidia sibi pa-  
 randa adigatur, sensim tentabit, quid sibi in obviis casi-  
 bus vel faciendum vel omitendum sit, ut se conservet,  
 atque huic experientiæ, cuius rationes reddere sibi non  
 valet, se postmodum conformiter gerit; quo quidem mo-  
 do prima quasi stamina morum in animo istius hominis  
 emergunt. Aucta deinceps, vellicante præcordia sua eo-  
 dem instinctu naturali, per curiolam ad res circumstantes  
 attentionem, sua cognitione, aliquam, valde tamen ad-  
 huc obscuram, moralitatis plurium suarum actionum sibi  
 format notionem, et variis proinde adsuescit moribus,  
 quorum fundamentum est sola utilitas. Si huic homini  
 alius paris fortis forte associetur, ambo animum viresque  
 suas intendentes, necessitatibus physicis remedia facilius  
 parabunt; quo ipso prima morum ruditas sensim minue-  
 tur; mores tamen manebunt et paucissimi et simplicissimi;  
 docente experientia, moribus etiam hominum, in fami-  
 liis segregibus degentium, multum connatae ruditatis ad-  
 hærere. Prævideo equidem, non paucos ægre laturos,  
 quod primam morum originem ab instinctu naturali re-  
 petam, quum, hoc admisso, bruta etiam animalia non fo-  
 rent morum plane exhortia. Quid vero absurdum ex ista  
 fequeretur opinione, non video. Quum enim instinctus  
 naturalis bruta animalia quarundam saltem specierum ad  
 constantem actionum in datis casibus conformitatem ex-  
 citet, nec ignorare videantur, quid sibi vel conveniat vel  
 adver-

adversetur, sequitur, mores his non prorsus esse abjudicandos. Nenio tamen existimet, me haec disserentem, brutis animalibus virtutes quasdam tribuere, utpote satis gnarum, quod haec ab aliis, quam rationis usu gaudentibus, et legis naturalis notitiam habentibus, exerceri non possint.

### §. III.

Alteram introductorum morum causam citare licet Imitationem, seu studium actiones suas actionibus aliorum conformiter instituendi; quod quum a primis inde unguiculis se prodat, dubium non paucis obvenit, an idem ad connatas facultates sit referendum, vel ipso usu et exercitatione acquiratur. Quæ posterior opinio eo minus videtur admittenda, quod infantes antequam ratiocinari valeant, vel ea intelligent, quæ alii ipsis agenda dictitant, luculenta jam præbeant imitationis specimina. Non igitur dissimulandum, imitationem esse effectum ratiocinationis, in se quidem levis, satis tamen efficacis ad infantem ita movendum, ut certas sponte sua suscipiat actiones, cuius rei motiva in amore, quo seipsum et alios amplectitur, erit quærendum. Dum enim infans videt hominem, quem amat, eundemque aliorum estimatione fruentem, duo vel tria momenta suo mox obversantur animo, nimirum 1:0 Persona agens, et quidem non frustra aut moleste agens, quoniam sua delectatur actione. 2:0 cogitatione hinc in se ipsum reflexa infans præsumit, se, si ad illius exemplum suos motus componit, parem delectationem non desideraturum. Duas his reflexiones forte præcedit cogitatio archetypi. Suarum igitur tenellarum virium facit periculum, et tentamina sua saepius et vix animadvertisens iterando hoc tandem assequitur, ut pro sua conditione

actiones personæ amatæ satis accurate exprimat, ita ut ad easdem non factus, sed natus videatur. Docet enim experientia, quod liberi actiones suorum parentum potius, quam aliorum, nisi in his forte aliquid inveniant, quod sibi perplacet, et quod similibus exprimere volunt actionibus, imitari soleant. Imo ex hoc amoris incentivo oritur insignis gestuum, incessus, risus, loquela et morum similitudo, quæ inter parentes et liberos cernitur. His superaddimus, facem nobis præferente quotidiana experientia, homines etiam adultos factos eandem retinere infantilem alios imitandi indolem, ita ut alios eo exactius imitentur, quo magis eos diligent et aestiment. Cujus rei specialia exempla suppeditat Historia, inter alia docens, Platonis discipulis latenter quasi gibbosam ac tortam humerorum dispositionem, amicis vero Aristotelis balbutiem obrepisse. Et quæ, quæso, alia est ratio, quare ad Regis exemplum libentius, quam ad hujus leges se componant cives, nisi quod hi Regem, ut personam, dignitate Numini proximam et felicissimam suspiciant, quam pro sua sorte imitantes sibi ipsis felices videntur. Aut quæ alia fuit ratio, quare cultior Europæ pars mores Gallorum quovis impendio haud ita pridem æmularetur, nisi quod hos putaret elegantissimos, aliorumque benevolentiae sibi conciliandæ aptissimos.

#### §. IV.

Quamvis singulos homines partibus eisdem essentia libus, anima rationali videlicet ac corpore organico summum instruerit Numen; docet tamen experientia, tam illius facultates respectu sui vigoris, quam hujus dotes ratione suæ indolis plurimum differre, indeque admirandam prorsus varietatem propensionum non in singulis so- lum

ium hominibus, sed in eodem etiam homine pro ætatis  
 aliarumque circumstantiarum disparitate existere. Hinc  
 porro diversa oriuntur hominum studia, diversæque in  
 varia vitæ genera inclinationes; quorum cursus exercitium  
 occasionem præbet aliis aliisque actionibus moralibus, ab  
 agente eo diligentius observatis et frequentatis, quod in  
 suam felicitatem luculentum habeant influxum, seu quod  
 paucis dixerim verbis: ex diversis vitæ generibus per quan-  
 dam horum in propensiones veluti reactionem variæ exi-  
 stunt mores: cuius rei documenta non pauca nobis sup-  
 peditant annales. Inter antiquissima vitæ genera procul  
 dubio est venatio; quæ quatenus non in meram delecta-  
 tionem, ut nunc plerumque suscipitur, sed in vitæ su-  
 stentandæ necessitatem olim exercebatur, hoc effecit, ut  
 mores hominum, per silvas & trans montes discurren-  
 tium, essent feroceſ & a belluina indole parum diversi.  
 Postquam autem succelu temporis, die diem docente,  
 magis proficuum invenerunt, terram excolare; intra modicū  
 campum sine ancipiti cura, vel in dolos vel in  
 truculentiam directa, præsidia vitæ longe certiora, quam  
 antea, obtinuerunt. Hinc quoque animi magis fedati,  
 & mores avitis humaniores sunt facti. Ad quod proban-  
 dum haud opus est, ut ad mundi infantiam regredia-  
 mur, quum quotidie videamus homines, durioribus et  
 periculorum plenis laboribus adseruos, ita quasi obri-  
 gere, ut querulæ humanitatis ac misericordiæ voci sur-  
 das obvertant aures, sensusque moralis in eis plane oc-  
 calluisse videatur. Imo hominum mores pro diversa,  
 quam in vitæ genere experiuntur, sorte, plerumque mu-  
 tari docet experientia. Ponamus enim familiam arcte  
 adeo habitantem, ut necessitatibus physicis ægre sufficiat;  
 videre licet mores singulorum fere, ad hanc familiam  
 pertinentium, esse auferos incultosque; ejusdem vero  
 condi-

conditione quo demum cunque modo lautiore facta, rugosas sensim explicari frontes, hilaritatem morositatē succedere, pristinamque morum duritiem quotidie emolli. Quocirca animadversione est dignum, ingentes diuitias & foedam paupertatem bonis moribus æque noxiæ fuisse; nam ut scribit Illustris MONTESQUIEU: avec des bien au dessus d'une condition privée, il est difficile d'être un bon citoyen, avec les désirs & les regrets d'une grande fortune ruinée, on est prêt à tous les attentats. Vid. Libr. Considerations sur les causes de la grandeur des Romains etc. p. m. 84.

### §. V.

Moribus quoque formandis multum inserviunt *Commercia*, quæ generaliori sua significatione consistunt in communicatione rerum operarumve necessariarum atque utilium cum aliis, earum indigis, prævio pacto facta. Quum igitur per se pateat, quod nemo in commercium cum alio moroso absque prægnante necessitate descendat, commercia hoc efficiunt, ut quisque felicitatis ac commoditatis ab alio obtinendæ cupidus, ad hujus beneplacitum, quantum fieri potest, se componat, suisque proinde moribus id addat vel demat, quod communicatio-  
nis a se desiderata eum reddit compotem. Ita vero so-  
cialitatis, cui plurimum debent mores, vincula partim confirmantur, partim longius extenduntur, imminutaque naturali ferocitate, homines fiunt mansuetiores, nec non dictorum factorumque quam antea, observantiores. Non omnibus tamen nostræ placent observationes morales; multi enim quum viderent, avitos mores per commercia mutari, antiquitatis præjudicio abrepti in eam iverunt sententiam, bonos mores per commercia corrumpi; quam vero

verò opinionem haud ferendam esse puto. Esto enim, homines post introducta commercia esse, ceu prætenditur, minus liberales et minus generosos, sibique tacite saltem hunc dictitare canonem: cùm nihil a te gratis postulem, tu vicissim nihil a me sine aliquali compensatio-ne exspectes; attamen commercia vel hoc modo acuunt industriam, sufflaminant ignaviam, fœcundam vitiorum matrem, austerritatemque morum imminunt. Quare etjam Illustris MONIESQUIEU egregie observat: *Que le commerce guérit des préjugés destructeurs, et que c'est une règle presque générale, que par tout où il y a des mœurs douces, il y a du commerce, et que par tout où il y a du commerce, il y a des mœurs douces* (a); quam sententiam multis exemplis confirmat Historia. Sicut enim respublica Spartana, in quam commerciis ex institutis Lycurgi aditus fuit interclusus, non morositatis tantum civium, sed fæ-vitiæ in se ipsos exercitæ, et gravissimorum flagitorum impune, modo dextre patrarentur, admissorum continua reliquit specimina; ita vicissim Athenæ, donec hæc flo-ruit civitas, per litterarum culturam & frequentia cum aliis gentibus commercia, elegantiorum morum acro-polis tam extra, quam intra Græciam haberí meruit.

(a) *Vid. l'Esprit des Loix Tom. II. p. m. 227.*

## §. VII.

Prætermisi hactenus morum causam, si non primo, huic tamen proximo loco ponendam, scilicet Religionem, in DEi cognitione, & cultu Et debito consisten-tem. Multum quidem recentiori præfertim aeo inter Eruditos disputatum fuisse novimus, an detur Nationes quædam, Religione prorsus destitutæ? quam expendere quæstionem, instituti nostri non fert ratio; in rem præ-  
B sen-

sentem animadverto tantum, quod licet ex fide Itinerariorum admittatur, gentes quasdam reperiri, apud quas nulla cultus DEi externi et sacrarum ceremoniarum indicia compareant, inde tamen non sequatur, eas omni Numinis sensu carere; quippe qui eas ita detinet, ut quum multa ab invisibili manu gratis consequantur dona, iniquum putent, mala aliis ingratias praeter meritum & ex sola animi levitate inferre. Atque ita homines, utcunque barbari, per creperum Religionis Naturalis lumen a pravis actionibus patrandis abstrahuntur, & hinc porro ad honorum morum culturam sensim deducuntur. Quod licet ita sit, mores tamen per Religionem non tam animis hominum ingenerantur, quam potius partem ejus constituunt. In quam sententiam ivit Quidam ex Recentioribus Scriptoribus, ita disserens: *Quant à la Religion je suis persuadé, qu'elle peut entrer pour beaucoup dans la formation des mœurs ; mais comme élément, s'il est permis de parler ainsi, et non comme règle. Ses préceptes sont au-dessus des mœurs, qu'ils doivent toujours contenir dans certaines bornes, qu'ils devroient souvent reformer et qu'ils ne reformeront jamais (a).* Et credere omnino par est, si homines in simplicissimis, quæ ratio etjam minus exculta dictitat, principiis acquieviscent, eorum mores fuissent minus feroce, qui vero dum ut suis indulgerent affectibus, et placitis securius fruerentur voluptatibus, Diis affectiones pares tribuere non dubitarunt, in pravos non solum mores, sed horrenda etjam scelera præcipites adeo ruebant, ut tempora quibusdam in terris eyaderent flagitorum quorumvis ergasteria (b).

## §. VII.

(a) *Vid. Elements de la politique Tom. I. p. m. 258* (b)  
*Vid. l'Esprit des Loix par Mr Montesquieu, Tom. II. p. m. 269.*

## §. VII.

Ad formationem morum seu horum originem omni  
ævo multum contulerunt ipsæ regiminis formæ, tam quo  
ad suam constitutionem, quam earum exercitium consi  
deratæ. Verum quidem est, mores quosdam esse legi  
bus civilibus antiquiores, quippe qui hisce ferendis oc  
casionem sapissime præbuerunt; in confessio tamen simul  
est, alios aliosque mores per leges sensim introductos,  
mutua quadam heic existente inter mores & Leges  
actione & reactione. Quantum vero momentum ex re  
giminis formis capiant mores, ex attenta utrorumque  
collatione patet. Si enim unius Despotæ arbitrio tota  
subdit c'vitas; evidens est, quod subditi ad conditionem  
plane servilem sint dejecti, & bonis, quæ sua nuncup  
ant, quin & ipsa vita precario utantur; quod quum  
sciant & experiantur, mores eorum evadunt austeri, &  
eorum pectora ad omnem fere humanitatis sensum du  
cunt callum. Hæc certe est ratio, quare mores plero  
rumque populorum, in Asia & Africa habitantium, sunt  
valde barbari, quales mancipiorum esse solent. Et eandem  
esse causam, quare Italicae gentes in truculentiam & favi  
tiam adeo propendent, selectis observationibus nuper  
probatum legimus in Novellis Publicis Stockholms Po  
sten N:o 74 hujus anni. Sicut vero in Monarchia ad  
strictior est imperantis potentia; ita videre licet, mores  
civium, saltem qua præcipuam horum partem, ex hu  
manitate colorari, pralertim quam heic contra injustam  
ac temerariam aliorum oppressionem valida dentur repa  
gula. Quæ quum adhuc firmiora sint in formis tempe  
ratis, civibus in communionem quorundam Jurium Ma  
jesticorum admisisis, via oppressionibus & mutuis vexa  
tionibus est præclusa, sanctitasque dominii valet; mores  
quo-



quoque spirant facilitatem & benevolentiam, quæ animam  
socialitatis constituunt. Sed vela dissertationis heic con-  
trahere, non tam suadet, quam postulat præsens rerum  
mearuu habitus.

---